



SSI ga Dadka Aan Muwaadiniinta Ahayn

SSI For Noncitizens

Waa maxay Dakhliga Kaabida ah ee Sakuuratigu (SSI) gu ciddee ayaase heli karta?

SSI waa barnaamij dowladda dhexe ay leedahay oo ay fidiso hay'adda Maamulka Sooshal Sakuuratigu (Social Security Administration) oo siiya manfacyo bil walba ah dadka danyarta ah. OGOW: barnaamijka SSI waa uu ka duwan yahay barnaamijka Sooshal Sakuuratiga ee Naafadda, ama SSDI. Waxa aad heli kartaa SSDI kaliya uun haddii aad muddo waqti cayiman ah aad shaqaysay aadna kasbatay cadad lacag ah oo cayiman.

Hadaba si'aad u heshid SSI, waa inay da'daadu tahay 65 sano ama aad ka wayn tahay ama aad tahay qof naafo ah oo aan shaqaysan karin. Waxaa jira shuruudo iyo sharciyo badan oo kaa hor istaagi kara lacagtan hadii aadan haysan Dhalashada wadanka. Xataa waxaa laga yabaa in adiga oo haysta deganaanshaha rasmiga ah ee Maraykanka da'daaduna ugu yaraan tahay 65 sano ama aad naafo tahay in lagu diido lacagta SSI.

Haddii aad ugu noolayd wadanka Mareykanka (U.S.) si sharci ah oo rasmin ah ka hor Agoosto 22, 1996, waa aad heli kartaa SSI adigoo aan muwaadin ahayn, laakiin kaliya uun waa haddii aad soo hoos gasho 3 nooc ee muhaajiriinta ah:

1. Waa inaad tahay qof asal ahaan ka soo jeeda hindida maraykannka loogu yimid laakiin ku dhashay wadanka Kanada (Canada)
2. Aad xareysatay codsi SSI ah ka hor bishii Janaayo 1, 1979
AMA
3. Waa inaad tahay qof "**Buuxiyay shuruudaha**" isagoon dhalashada haysan

Sideen ku ogaanayaa in aan ahay qof "**Buuxiyay shuruudaha**" anigoo dhalashada haysan?

Aad tahay "xa u yeeshe" aan muwaadin ahayn haddii adigu:

- haysatid **deganaanshaha rasmiga ah ee dalka** isla markaana, ay waaxda socdaalka iyo dhalasho bixintu ay si sharci ah kugu siisay deganaanshaha rasmiga (INA).
- Ama lagu siiyay **magangelyo siyaasadeed**.
- Ama **Xabsi maraykanka gudihiisa ah** lagaa sii daayay ugu yaraan hal sano ka hor.
- Ama si **ku meel gaadh ah loo hakiyay masaafurintaada** ama **si buuxda loo joojiyay masaafurintaada**.
- Ama lagu siiyay nooca fiisada loo yaqaan **T-visa** ee la siiyo dadka ay dhibta xun u gaysteen dadka bani'aadamka ka ganacsadaa.
- Ama sharci lagu siiyay ka dib marka qofkii ku keenay uu kugu dhibay ama **kaala noqday sharciga**.

- Aad tahay **qaxooti** ama laguula dhaqmo siddii **qaxooti** oo kale. Tan macnaheedu waa:
 - Inaad tahay muhaajir “Mareykan-aasiyaan ah” kaa oo aabihii uu ahaa muwaadin Mareykan ah (US) oo ku noolaa Bariga-Koonfureed ee Aasiya xilligii sannadihii Dagaalkii Fiitnaam.
 - Soo gale Kuubaan ama Haytiyaan ah
 - Muhaajir gaar ah ee Ciraaqi ama Afganistaan ah
 - Qof uu milaratiga Mareykanku (US) ka soo daad-gureeyey Afganistaan mudaddii u dhaxeysay 7/31/21 iyo 9/30/22 (ilaa iyo inta mudadda saamixidu ka dhamaanayso)
 - Qof ehel dhow la ah dadkii laga soo daad-gureeyey Afganistaan ee kor lagu xusay oo saamixidii ka dib 9/30/22
 - Qof ka soo jeeda wadanka Yukreeyn oo ka baxay saamixidii mudaddii u dhaxeysay 2/24/22 ilaa iyo 9/30/23
 - Muwaadin ee “Compacts of Free Association.” (waxaad ka Palau, Micronesia ama Marshall Islands)

Haddii aad timid Mareykanka (U.S.) ama aad noqotay qof sharci deganaansho rasmi leh ka dib Agoosto 22, 1996, waxa aad heli kartaa SSI kaliya uun haddii aad ka mid tahay 4 tan nooc ee dadka ah:

- Haddii aad ka shaqaysay 40 rubuc oo shaqo Sooshaal Sakuuratigu (Social Security) uu ogol yahay.
- Aad tahay halgamaa u soo halgamay Mareykanka (U.S.), askari hadda ka tirsan ciidanka qalabka sidda ee Mareykanka (U.S.) ama xile ay isqabaan qof ciidan ah, ilmo yar oo uu dhalay qof ciidanka ka tirsan ama qof aan guursan cid kale oo uu ka dhintay qofka wadanka Mareykanka (U.S.) u soo halgalay ama qof ciidanka qalabka sidda hadda ka tirsan.
- Aad u dhalatay wadamadda la yiraa COFA (Palau, the Marshall Islands, ama Micronesia).
- Laguu ansaxiyey qaxootinimo, magangelyo, ama qof laga reebay saarid. **Noocan kaliya waxa aad heli kartaa manfacyadda 7 sanno ka dib xilliga lagu ogolaaday martabadda sharciga ah.**

Akhbaar kale

Hadii aad qabtid su’aal ku saabsan SSI iyo dadk aan dhalashada, haysan la xiriir xafiiska qareenada ee degaanka ah ee 1-(877) 696-6529.

Ama ka eeg caawimaad barnaamijyadda kale ku jira barta:


www.lawhelpmn.org/so/providers-and-clinics.



Xog Urursan oo ku saabsan macluumaadka sharciga MA AHA talo xagga sharciga. La tasho qareen. Ha isticmaalaan xogtan urursan haddii ay 1 sano ka soo wareegtay xilligii la daabacay. Weydiiso xogtii ugu dambaysay, liiska xogta urursan, ama aad ku hesho habab kale.

© 2025 Minnesota Legal Services Coalition. Qoraalkan waa la sii badin karaa waxaana loo adeegsan karaa oo kaliya hab shaqsi ah iyo waxbarasho kaliya. Xuquuqda kale waa mid la dhawray. Ogeysiiskan waa inuu la socdaa nuqul kasta oo la sii daabaco. Dib u daabicidda, sii qeybinta, iyo in loo isticmaalo hab ganacsi ah waa mid si adag loo mamnuucay.

Waayahay, waxa aan ku jiraa mid ka mid ah qolyahaa muhaajiriinta ah ee la qoray. Marka ma helayaa SSI?



Fiiro Gar ah #1 – Wakhtiga Shaqada: Wakhtiga uu ninkaaga/xaaskaagu shaqeeyay waxaa loo xisaabinyaa inaad adigu shaqaysay. Haddii aad wadanka timid adigoo caruur ah wakhtigii waalidkaa shaqeeyeen ee aad caruurta ahayd waa lagu xisaabin karaa. Arintan fahamkeedu wuu adag yahay. Sidaa darteed SSA wuxuu kaa caawinayaa si'aad u ogaatid wakhtigii aad shaqaysay.

Ma xisaabsan kartid wakhtigii shaqada ee ka dambeeyay bishii December 31, 1996 haddii ay dawladu ku siisay gargaar sida (AFDC, Food Stamps, SNAP, MA or MFIP) isla bishaas. Waydii waaxda SSA ama garyaqaan si'aad faahfaahin u heshid.

Fiiro Gaara #2 – Askarta Hmong ah iyo askarta hawlgabka ah ee wadanka la keenay:

Askarta Hmong ah ee la dagaal galay CIA markuu socday dagaalkii Fiitnaam looma tixgelinayo inay yihiin "Askar hore oo Maraykan ah" sida sharciga Maraykanku dhigayo.

Haddii aad tahay askari hore ciidamada maraykanka uga tirsanaan jiray ama aad weli ka tirsan tahay wadankana ku timid codsi ay qaraabadaadu ku soo codsadeen wixii ka dambeeyay bishii December 18, 1997, oo ay qaraabadaadu ku keentay, dawladu waxay u tixgelinaysaa in dakhligaa iyo hantida qofka ku keenay iyo lamaanihiisu ay yihiin dakhli iyo hanti aad adigu leedahay waana lagu xisaabinayaa. Waxaa laga yaabaa in taasi keento in dakhligaagu ka bato intii laguugu ogolaan lahaa SSI. Laakiin, hadaadan haysan cunto iyo hoy sababtuna tahay in qofkii ku keenay uuna ku caawinayn waxaa laga yaabaa in lagu caawiyo. Sidoo kale waa suurto gal in caawimo lagu siiyo haddii uu dhib kuu gaysto qofka aad is qabtaan ama waalidkaa isla markaana aad ka guurtay qofkii dhibta kuu gaystay sidaa darteedna aad caawimo u baahan tahay dhibta lagu gaystay darteed. **La tasho dadka fidiya gargaarka dhanka sharciga (legal aid) ah haddii aad qabto wax su'aalo ah.**